



Sermon
Kxf. Dr. Numlaajtsheb Yaaj

“Asmees”

4th Sunday of Easter
Our Savior Lutheran Church
4-12-19

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees

Tshwmsim 7:12 “Amen! Praise and glory and wisdom and thanks and honor and power and strength be to our God for ever and ever. Amen! – *“Asmees! Cia li qhuas thiab muab koobmeej thiab lub tswvyim thiab thov fwm thiab lub hwjchim thiab muaj zog, yog peb tus Vajtswv mus ibtxhis thiab ibtxhis! Asmees!”* ‘Nov Yog Vajswv Txojlus’(Cross reference – Loos 11:36, 1 Kaulethaus 14:16, Tshwmsim 5:12, 14)

Illustration “common” (Show picture of words)




Muaj 4 lolus uas tibneeg nyob rau ntiajeb no hais heevduas li lwm lolus. Amen, Alleluia, OK, and Coca-Cola. Peb pom cov ntseeg thiab cov tsis ntseeg los yeej siv lolus Amen thiab Alleluia. Ntiajeb cia li siv lolus “OK” txawm lolus no yog Asmesliskas ib lolus los sawvdaws totaub haistias “yog lawm – tau lawm.” Tagnrho ntiajeb paub lolus coca cola tias yog yam dej qabzib uas sawvdaws nyiam haus tshajplaws. Koj mus txog lub tebchaws twg los yeej muaj coca cola. (Show praying hand – Amen)



Hnubno peb sawvdaws yuav kawm txog lolus “Asmees!” Nov yog ib lolus uas tagnrho txhua haiv tibneeg siv. Peb cov ntseeg txawm koj yog haiv tibneeg Hmoob, nplog, thaib, German, Korean, French, Portuguese or Spanish, los puavleej xaus lolus Asmees thaum thov Vajtswv tag. Cov tsis ntseeg los qw tej suab haistias Asmees txawm nws tsis tau yog tus ntseeg vim nws zoo siab heev rau lub sijhawm ntawd.

- I. Lolus “Amen – Asmees” yog txhais li cas. Asmees lolus los ntawm Hebrew txhais haistias, Ttruth – *Qhov tseeb.* “Luther Small Cathecism – *Luther Phau Ntawv Qhia Kev Ntseeg Me*” sau haistias, Amen, amen means “yes, yes, it shall be so” – *Asmees, asmees txhais haistias “yog, yog, yeej yuav muaj raws li hais.”* (Luther Small Catechism, p. 22). Nov yog thov kom Vajtswv teb peb tej lus thov thiab cia siab haistias nws yuav muaj tseeb raws li peb txojkev thov ntawd. Nyob rau nqes Vajluskub ntawm Tshwmsim7:12 hnubno thaum pib thiab xaus puavleej hais lolus Asmees. (Show angel worship God)



Nov yog cov thwjtim nyob saum ntuj ceebtsheej qhuas Vajtswv lub sijhawm uas lawv tabtom hawm Vajtswv. Cov thwjtim uas yog txhua haiv tibneeg, txhua lub tebchaws, txhua haiv lus nyob rau txhua qhovchaw tabtom qhuas Vajtswv ntawm Vajtswv lub zwmtxwv uas yog qhov tseeb. Cov thwjtim haistias, “Asmees!” What a beautiful picture – nov yog ib

daim duab uas zoo nkauj kawg nkaus” rau peb pom haistias thaum koj thiab kuv mus txog saum ntuj ceebsheej lawm, txojkev hawm Vajtswv yuav zoo li no thiab. Peb yuav nrog lwm cov thwjtim hu nkauj thiab qhuas Vajtswv “Asmees!” (Show Amen)



Nyob rau ib txhia tuamtsev cov xibhwb thiab cov ntseeg nyiam hais lolus “As.....mees!” Thaum kuv thiab niam xibhwb wb tseem nyob rau Pawgntseeg Eastside Baptist Church, Nebo, North Carolina, muaj ibtug txivneej lub npe hu ua Darrel Worley mas nyiam hais lolus “As...mees!” heev li. Thaum xibhwb qhuabqhia raug nws siab mas nws qw tej suab “As.....mees!” Muaj ib cov “church – tuamtsev” thaum lawv hawm Vajtswv mas tus xibhwb pheej hais “Amen - Asmees” rau cov mloog thiab kom cov mloog rov teb haistias, “Amen.” Example – God is good “Amen!”

II. Nyob ntawm nyias pawgmtseeg hawm Vajtswv saib lawv nyiam coj li cas. Ib Pawgntseeg coj txawv ib Pawgntseeg. (Show can I get an Amen)




Qhov uas tsis tshuam zoo mas tej thaum tej pawgntseeg cov tibneeg mloog Vajtswv Txojlus lam tau lam qw thiab lam hais lolus “Asmees” losyog haistias, “that’s right – *yog li ntawd*” Xyov xibhwb qhuabqhia txog dabtsi los nws cia li hais Asmees. Tej thaum cov hu nkauj tshwjxeeb xwb los nws qw tej niagsuab As.....mees! Thaum no nws tsis yog saib rau qhov tseeb ho lam qw kom tibneeg tig tuaj saib nws lawm xwb. Yog koj yuav hais lolus Asmees, koj yuavtsum paub haistias, koj hais dabtsis thiab yog qhov tseeb mam li hais tsis txhob lam tau lam hais.

Cov kwvtij, thaum lub sijhawm uas peb thov Vajtswv, txawm nyob ntawm lub tuamtsev losyog qhovtwg, nej puas muab tagrho nej lub siab los mus npaj rau txojlus thov Vajtswv kom muaj raws li tej lus tau thov. (Show people pray together)



Feem ntau peb tos tsis tau kom xibhwb losyog tus thov Vajtswv ntawd thov kom tag peb mam li hais Asmees. Peb pheej majnroos vim yus muaj lwmyam yuav ua losyog yuav rawm nojmov losyog yuav maj mus lwm qhov. Tibneeg lub siab mas tswj tsis taus vim nws tsis yog xav rau txojkev thov ho nws cia lwmyam los dagntxias nws kom nws tsis txhob hnov tej lus uas thov. Yog lub sijhawm uas lwmtus thov Vajtswv, kom xav li no, koj txojkev cia siab thiab pab tus uas ntshaw tej kev thov ntawd puas yuav “Asmees - *”yog, yog, yeej yuav muaj raws li hais?”*


Cov kwvtij, peb yuavtsum ceevfaj tsis txhob pub txojkev dagntxias los txeeb peb txojkev thov Vajtswv. Thaum peb thov lawm, peb yuavtsum qhib hlo peb lub siab lub ntsw rau Vajtswv thiab cia siab haistias tej lus uas peb thov ntawd Vajtswv yuav teb. (Show 1 Peter 4:11)



Vajtswv hu kom peb tsis txhob txajmuag hais lolus “Asmees.” Nej ibtxhia txajmuag losyog ntshai hais lolus Asmees, vim nej tsis xav kom lwmtus hnov nej. Hnubno mus yog nej leejtwg tseem xav li no, tsis txhob ntshai. Tus Thwjtim Petus qhia rau peb haistias, “If anyone speaks, he should do it as one speaking the very words of God. If anyone serves, he should do it with the strength God provides, so that in all things God may be praised through Jesus Christ. To him be the glory and the power for ever and ever. Amen. – *Tus uas haislus, nws yuavtsum hais Vajtswv txhua los. Tus uas tu*

lwmtus, nws yuavtsum siv lub dagzog uas Vajtswv pub, kom txhuayam Vajtswv thiaj li qhuas los ntawm Yexus Khetos. Asmees” (1 Petus 4:11)

III. Peb nco ntsoov haistias, lolus “Asmees” yog Vajtswv lub npe. Vim Vajtswv yog “God of truth – *Tus Vajtswv tseeb.*” (Show Jesus Truth)



Vim Vajtswv yog peb lub hauvpaus, tus tuav thiab tswjhwm txhuayam kom muaj nyob ruaj khovkho thiab yog tus txhawb peb ua tau txhuayam. Txhuayam uas Vajtswv coglus puavleej yog “Asmees” vim nws yuav muaj raws li thaum pib rau thaum xaus. Lub ntiajteb no, peb yeej tsis paub haistias, qhovtwg thiaj li yuav yog qhov “truth – *tseeb.*” Peb muaj lolus “Asmees” vim nws yog lolus tseeb ntawm Vajtswv. Nws coglus haistias Nws yuav nrognraim peb nyob mus txog lug ntiajteb kawg. Txhuayam uas peb yuav cia siab tau rau ces yog cia siab rau ntawm Vajtswv. (Show Jesus the Amen)



Yauhas sau ntawm Tshwmsim rau Pawgntseeg nyob rau Laudikeyas tias, “These are the words of the Amen, the faithful and true witness, the ruler of God’s creation – *Tus uas muaj lub npe Asmees tus uas ncajnnees thiab ua timkhawv tseeb yog ibpuas tsavyam uas Vajtswv tsim los lawm lub hauvpaus.*” (Tshwmsim 3:14) Lolus Asmees yog lolus kawg – kom muaj raws li hais. Yexus siv lolus kawg tias “It is finished – *Tiav lawm lauj*” (Yauhas 19:30). Yexus ua tiav hlo rau koj thiab rau kuv kom koj

thiab kuv tau kev cawmdim los ntawm Nws txojkev kovyeej kev txhaum, kev tuag, thiab dab lub hwjchim. Koj thiab kuv cia li “Asmees” zoo siab hlo ntseeg thiab cia siab rau Yexus txojkev cawmdim.

Peb coob leej ntau tus yuav haistias, “What can we say Amen to – *Peb yuav hais Asmees rau yam dabtsi?*” (Show Revelation 7:12)



Cia li hais Asmees rau peb tus Vajtswv uas muaj sia zees kav ibpuas tsavyam vim nws yog tus uas peb hawm thiab qhuas mus ibtxhis thiab ibtxhis. Peb yog cov thwjtim nyob rau lub ntiajteb nrog rau cov timtswv saum ntuj yuav haistias, “Amen! Praise and glory and wisdom and thanks and honor and power and strength be to our God for ever and ever. Amen!” – “*Asmees! Cia li qhuas thiab muab koobmeej thiab lub tswvyim thiab thov fwm thiab lub hwjchim thiab muaj zog, yog peb tus Vajtswv mus ibtxhis thiab ibtxhis! Asmees!*” (Tshwmsim 7:12)

Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.